

Jelā Maroñ Ko Am Ikijien Jibañ Kōn Kajin

Ewōr am maroñ ñan kappok jibañ kōn kajin im ejjelok wonen ñan kōnono ikijien ejmour eo am ak ejmour an ajiri eo nejūm, im ejmour eo an ro nukūm, ilo iien eo kwōj aikuji. Juon ri-ukot kajin ejelā Kajin Pālle im Kajin Majel im ewōr kapeel ippān kōn naan in taktō ko bwe en lukkun kōmman bwe komiro taktō eo am en jelā mejele ko rejimwe im rekkar. Juon ri-ukok eo emman eban kwaḷok mejele ko ikijiūm ippān ro jet.

Kwōmaroñ kajjitōk juon am ri-ukok, im kab kajjitōk peba in taktō ko ilo kajin eo am, jen aupjitōl ko im imōn taktō ko ñan:

- **Kōnono ippān taktō ro, nōōj ro, im rijerbal ro jet**
- **Kōmman iien taktō ko**
- **Kōnnaan ikijien bill ak wonen ko im joortoklik in taktō eo**

Etke Jibañ Kōn Kajin Eo Eaurōk Ñan Ejmour Im Taktō

Ej Kakien Eo

Ekkar ñan kakien ko an state im lal in, aolep ro im rejab jelā mejele, kōnono, ak riit Kajin Pālle, im armej ro ewōr aer utamwe, rej aikuji maroñ taktō ein wāween wōt ro jet im rejelā Kajin Pālle ak ejjelok aer utamwe.

Ej jibañ ri-nañinmej ro maroñ taktō ilo iien eo rej aikuji

Ri-nañinmej ro, baamle ko, im taktō im rijerbal ro jet rej aikuji kōnnaan ippān doon ikijien nañinmej ak jorāan kōn ejmour ko, wāween taktō ak kamourur, ta ko rej aikuji kōmmani ilo mweo, im ñāat im ālmen kappok jibañ ilo ilju im jōklaj.

Ej jibañ kōjparok ri-nañinmej ro

Katak ko rej kwaḷok ke ñe ejjelok jibañ kōn kajin eo an ri-nañinmej ro, emmakijkijlok aer jorāan kōn taktō ak ejmour ilo bwijin wāween, einwōt ebōd aer idaak uno; elaplok aer iien idriiñ; im elaplok aer kanooj in nañinmej.

Ej jibañ kadikḷok wonen taktō ko

Ñe ejjelok jibañ kōn kajin, taktō ro rejab jelā ta jorāan eo an ri-nañinmej ro, im kōn menin remaroñ kōmman bar teej ko im ka-aupjitōl ri-nañinmej ro, meñe ri-nañinmej ro rejab aikuji men kein.

Elaññe ewōr jorāan ilo am kappok jibañ kōn kajin, kwōmaroñ kwaḷok am abnōnō ilo Office of Civil Rights, Region X Office, eo an U.S. Department of Health and Human Services, **ilo: Phone** (800) 368-1019, **Fax:** (206) 615-2297, TDD (800) 537-7697, ñe e jab **online ilo:** www.hhs.gov/ocr/office/index.html ñe e jab kōnnaanik **Washington State Human Rights Commission** ilo 1-800-233-3247, **TTY:** 1-800-300-7525; ak loḷok <http://www.hum.wa.gov/>.



WASCLA

Washington State Coalition for Language Access

www.wascla.org